


清會典

三十五六上

戸部 十四上



漢書  
九〇八號

漢書門類	九〇八
函號	一三三
架冊	一〇
冊	一六〇

內閣文庫	漢書	九〇八
函架	一三三	一〇
冊架	一〇	一六〇

內閣文庫	漢書	九〇八
冊數	160 (18)	
函號	295	10



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



大清會典卷之三十五

戶部

內庫

蠲恤一

恤荒之政。救民急務。我

朝深仁厚澤。立法周詳。凡遇水旱蟲雹。議豁免。議  
緩徵。議蠲賑。議勸輸。預籌積貯。兼行糶借。雖偶  
值歉收。民不失所。意美法良。具載於後。

報勘

順治六年。定地方被災。督撫按卽詳查。頃畝分  
數具奏。毋得泛報。○十年。

諭。京城內外。該部確查被災戶口。據實登報。直省督撫。

凡有災傷地方。勘明分數。奏請軫恤。○又題准。報災之法。責令督撫速核分數馳奏。○十六年。覆准。報災地方。撫按遴選廉明道府廳官履畝踏勘。不得徒委州縣。○十七年。覆准。直省災傷。先以情形入奏。夏災限六月終旬。秋災限九月終旬。州縣官遲報。逾限一月以內者。罰俸六箇月。逾限一月以外者。降一級調用。二月以外者。降二級調用。三月以外者。革職。撫按道府官。以州縣報到日爲始。如有逾限者。照例一體處分。仍限一月內。續將報災分數查明造冊題報。各官如

有違限者。亦照前定例議處。永著爲例。○十八年。覆准。八旗旱澇地畝。遣各部侍郎以下。該旗副都統以上大臣。率戶部司官筆帖式。至被災地方。該佐領領催指明勘驗。若造冊舛漏。責在部員。筆帖式。冒指地畝。責在領催。其災傷輕重。地勢高下。不詳加踏勘。責在差往大臣。事發。照例察議。○康熙三年。覆准。州縣報災。或離督撫駐劄地方遼遠。定限一月內。難以確查。嗣後限三月內查報。違限者。仍照例議處。○四年。題准。州縣以被災情形申報布政司。如布政司違限。

亦照道。府。州。縣。官。例。處。分。○又定。八旗。遇。災。地。畝。停。遣。都。統。等。勘。驗。止。令。驍。騎。校。領。催。等。詳。勘。保。結。送。部。具。題。○六年。題。准。各。旗。報。災。不。得。過。七。月。二。十。日。○七年。題。准。各。旗。災。地。遠。近。不。一。難。以。徧。驗。准。寬。至。八。月。初。十。日。逾。期。不。准。○又。詔。直。省。凡。有。水。旱。蝗。蝻。等。災。有。司。速。申。督。撫。督。撫。減。帶。人。役。親。踏。詳。勘。確。定。分。數。造。冊。報。部。酌。令。蠲。免。○又。覆。准。從。前。定。例。夏。災。不。出。六。月。秋。災。不。出。九。月。題。報。情。形。又。限。一。月。內。題。報。分。數。後。寬。至。三。月。則。報。夏。災。分。數。直。至。九。月。報。秋。災。分。數。直。至。十。

二。月。苗。根。已。盡。無。憑。踏。勘。易。致。捏。報。以。後。仍。照。從。前。定。例。行。○八年。題。准。被。災。地。方。停。令。督。撫。親。勘。專。責。有。司。核。實。具。報。督。撫。卽。委。廉。幹。官。減。從。踏。勘。奏。免。○九年。題。准。八。旗。災。地。各。該。佐。領。具。結。報。都。統。差。旗。員。查。勘。赴。部。呈。告。部。委。官。員。驗。實。具。題。○十年。覆。准。河。南。省。被。災。分。數。未。確。駁。查。恐。至。滯。遲。准。一。面。扣。免。一。面。奏。報。○十五。年。議。准。被。災。地。方。撫。司。道。府。州。縣。官。遲。報。情。形。及。遲。報。分。數。逾。限。半。月。以。內。者。罰。俸。六。箇。月。一。月。以。內。者。罰。俸。一。年。一。月。以。外。者。仍。照。從。前。定。

例議處。又官員勘災。不委廳員。印官。乃委教官。雜職。查勘。或妄報饑荒。或地方有異災。不申報者。原委官。罰俸一年。若止報巡撫。不報總督。及報災時。未繳印結。冊內。不分明晰。明白者。罰俸六箇月。督撫亦照此例處分。○十八年。覆准。直省災傷。如地方官。隱漏不報。許小民赴

登聞鼓院聲明。○三十六年。

諭。直隸被災地方。著差戶部賢能司官一員。會同該撫等。逐一親行確勘。具奏。○四十六年。

諭。頃者浙江巡撫奏報浙江旱災。今日江南總督具摺

奏稱江南全省亢旱。閱此則遇旱之處。似屬甚廣。朕屢次南巡。疆域山川形勢。及生民產業。無不深悉。南方溝渠甚多。水易於蓄洩。祇足以濟平時之用。若值大旱。河蕩之水驟涸。附近大河田地。猶能薄收。而高阜。與不近河之處。得水頗艱。且百姓有田地者少。佃戶居多。每遇豐年。完納錢糧之後。與佃戶計數均分。一值荒歉。則佃戶無策可施。南方地勢卑濕。民知諸物不能蓄積。故有米穀之家甚少。凡一應飲食之物。俱係每日置買。民皆守常。不能經理。屢年以來。頻遇豐稔。久已未經空乏。倘值大旱。所係匪輕。這所奏後。

大清會典 卷三十五 四  
若得雨澤。固不必言。如或未雨。此時不行詳議。則有負朕視民如赤子之心。九卿詹事。科道掌印。不掌印官。會同速行確議。繕摺具奏。遵

旨議定。令浙江江南督撫。既奏之後。若得雨。州縣有無成災之處。速行逐一查明具奏。其查勘時。將應徵正項錢糧。暫緩三月。俟查明具題之日。再行催徵。倘未獲雨。一面將被災分數情形奏報。一面選委賢能道府等官。動常平倉所存米穀。酌量均勻散給。

豁免上

直省地方。偶有災沴。纖悉具達

九重。卽行蠲恤。及大有屢豐。

聖主念切民依。又每

恩膏特沛。順治初。削除明季苛斂。登民衽席。康熙六十餘年。休養生息。所蠲免。除水旱照例豁除外。特恩所貸。計一萬萬三千九百萬餘兩。米穀不計焉。

皇上蠲舊欠千二百餘萬。外。兩江兩浙。又奉

特旨減免額徵常數。每歲數十萬。按諸史冊。我朝仁政。亘古未有。今將歷年條款開後。

順治元年。定京城遷徙之家。准免賦役三年。房舍被毀者。准免一年。大兵經由地方。田禾被踐者。免本年租稅之半。河北府州縣衛租賦屯糧。免本年三分之一。○又題准。明季加派三餉。及召買津糧。槩與豁除。○又題准。宣鎮寇亂。加以冰雹。應徵額賦。被災輕者免半。其重者全免。○又定。各旗壯丁差徭糧草布疋。永停輸納。○二年。定山西地方初復。免本年田租之半。○又覆准。江南丹徒丹陽二縣。明末加派馬折銀。悉與豁除。○三年。覆准。延鎮所屬冰雹蝗蝻。被災田

畝。免本年額賦之半。○又覆准。直隸任邱縣鹹水浸地。賦稅無出。照數蠲豁。○又覆准。江南各府。疊罹寇患。漕米折價。於

恩詔外。再免三分之一。江陰。漕白二糧亦如之。潛山。太

湖。英山。霍山。盡予蠲免。○又覆准。江右疊被旱澇。將三年分漕米。除已開幫二萬石解京外。餘悉豁免。○四年。覆准。淮徐荒地。無主者。錢糧全蠲。有主者。量免額賦三年。漕米一年。○五年。覆准。陝西臨洮府屬。被雹災重者。本年額賦全蠲。稍重者。蠲三分之二。稍輕者。蠲三分之一。○又

覆准。山東夏津蝗災。免賦一年。朝城。罹土賊之患。所欠糧米。悉行蠲免。○又覆准。陝西水災。蝗蝻冰雹相繼。被災一等者。蠲一年額賦。二等。免一年之半。三等。免三分之一。○又覆准。湖廣岳州等處。大兵經過。附郭錢糧免半。餘免三分之一。○衡永等處。大兵駐劄頗久。辰靖等處。地方殘破。附郭免十分之七。餘免半。○六年。覆准。直省災傷。奉

旨蠲免。戶部行文各地方。於起存項下均減。如存留無餘。即於起運款內減除。若有司藉無項可免。使

小民不沾實惠者。該管上司及科道官指叅。○八年。覆准。直屬荆隆河決地畝。男婦被淹者。准照地丁。除免徭賦。○又覆准。湖廣火災。延燒貯倉米豆。准予開除。○九年。覆准。陝西莊浪。西寧。肅州所屬。故絕拋荒。並水淹沙壓地畝。額徵糧草。悉予豁免。○十年。覆准。江南浙江各屬旱災。被災八分九分十分者。免十分之三。五六七分者。免十分之二。四分者。免十分之一。有漕糧州縣。衛所。准令改折。○又覆准。地方災傷。題蠲後。各州縣以應免數目。刊刻免單。頒發。有已徵在



大清會典 卷三十一  
官准抵本名次年正額。官胥不給單票者。以違旨計贓議罪。○又覆准。江西九年分漕糧。俱照地方被災輕重攤折。減免耗貼。○十一年。

詔。順治六。七。兩年直省地丁本折錢糧拖欠在民者。悉

予豁免。○又覆准。減江西瑞州。袁州。浮糧。瑞州府照

元季例徵收。袁州府照新喻縣上則田徵收。瑞

州府。明初。田糧比元季多九萬九千六百九石。袁

州府。元季。每田一畝。納米三鄉斗。止抵官斗九

升。明初。誤以鄉斗作官斗。後嫌過重。命減半科。

每畝納米一斗六升五勺。比元季每畝多七升

五勺。較新喻上則田。每畝仍多米六

升七合二勺零。因係浮糧。議准減額。○十二年。

覆准。陝西地震。全家被災者。盡豁歷欠錢糧草

束。餘免本年地糧丁徭。○十三年。覆准。上林苑

監署丁銀。因連歲災荒。照直隸例蠲免。○又覆

准。河南磁州蝗災。汲縣風災。輝縣水災。按分數

蠲免。○又

詔。順治八。九。兩年直省地丁本折錢糧拖欠在民者。悉

予豁免。○又題准。蠲荒流抵。恐民間不得實惠。令百

姓登填布政司原簿。以禁濫徵。○十五年。覆准。

浙江寧。紹。二府屬。龍颶。霖雨。被災田畝。按分數

免本年正額錢糧。○十八年。覆准。江南江都。如

臯。海州。三州縣。修理烽墩馬路。各免一年差徭。

大清會典 卷三十五  
康熙元年。覆准。江南海州近海居民。遷移內地。所遺田糧。准予豁免。○二年。覆准。廣東。福建。遷移沿海田地。無徵銀米。照數豁免。○三年。覆准。貴州新添等衛所。蛟行沙壓。被災田地。照例按分數蠲本年額賦。○又覆准。江南鳳陽等府屬。颶風海潮。沖決隄岸。民被水災。照分數免本年正賦。○又

詔。直省順治十五年以前。民欠各項銀。米。藥材。紬絹。布疋。等項錢糧。槩行蠲免。○四年。

特遣部員往勘山西災荒。現年正賦。并舊欠。槩行蠲免。

○又

詔。直省順治十六。十七。十八。等年各項民欠錢糧。俱令蠲除。○又覆准。山東棲霞。寧海。等州縣衛。遭寇亂。瘟疫。荒地。亡丁。徭賦。槩予蠲免。○五年。覆准。蠲免陝西威武。清平。二堡霜災地畝錢糧。○六年。題准。奉蠲地方官員。將應免錢糧。取每圖現年里長。不扶結狀。分送部科查核。如有已徵在官。不行流抵次年者。有不扣除應蠲分數。一槩混比侵吞者。或經題定蠲免分數後。故將告示遲延。不卽通行曉諭者。或稱止蠲起運。不蠲存留者。

大清會典 卷三十五 九  
或於由單內扣除不及蠲額者。州縣衛所官俱以違

旨侵欺論罪。上司不行詳察。使災民無告者。道府降三級調用。督撫布政都司降一級調用。○又題准。蠲災流抵。如本年蠲免者。填明次年由單之首。如流抵次年者。填明第三年由單之首。州縣衛所官不開載確數者。議處。○七年。覆准。淮揚二府屬及正定府屬。各被重災十分九分者。本年正賦全免。八分七分者。免十分之四。○八年。題准。直省州縣災傷。不得以闔境地畝。總算分

數。仍按區圖村莊地畝。被災分數蠲免。○又

恩詔。蠲免江南等省康熙元二三年舊欠地丁等項錢

糧。○九年。覆准。災傷蠲賦。或有窮民租種官紳富戶

田地。其應納租穀租銀。亦令地主照分數免徵。

○又覆准。江南淮屬邳宿沐三州縣。揚屬通泰

海三州。坍塌地畝。令勘明永蠲。○又覆准。織造

局種藍地。因旱澇蟲蝕。免本年納靛。○又覆准。

桃源高郵。連年被災。帶徵漕糧。漕項俱行豁免。

蘇松常嘉湖。被災漕白糧折徵。其耗米及贈貼

銀糧。俱免徵。○又覆准。湖廣徵收火米。照各省

例。免令蒸晒。○十年。覆准。河南陝州等處包荒銀。及江南臨淮縣古荒地。靈壁縣包荒地。槩准豁除。○又覆准。湖南各官捏報墾荒。一時希圖紀錄。以致百姓包賠錢糧。世受其累。行令該撫查明。悉予蠲免。○又覆准。高寶等十州縣積淹。本年并帶徵舊欠。漕糧。漕項。俱行蠲免。○又

詔。巡幸經歷。通州以東至山海關地丁錢糧。蠲免一年。

○又

恩詔。蠲免直省康熙四。五。六年舊欠地丁等項錢糧。○十一年。覆准。江南高寶等處被災十分。本年額

賦。並漕糧漕項銀。全免。○十二年。

詔。江南蘇。松。常。鎮。淮。揚。六府連年災荒。免明年地丁錢糧之半。○又覆准。泰州等處未完鳳。淮。二倉漕項銀。

俱蠲免。○十三年。覆准。江南丹徒。金壇。二縣田地。有坍入大江。形址無存者。准予永豁。○十五年。覆准。蠲免銀兩。增減造冊者。州。縣。衛。所。官。降二級調用。該管司。道。府。都司。罰俸一年。督撫。罰俸六箇月。如被災未經題免之先。報冊內填入蠲免者。州。縣。衛。所。官。罰俸一年。該管上司。俱罰俸六箇月。○十六年。覆准。陝西疊遭荒亂。十五

大清會典 卷三十一 戶部十三  
年正賦。涇州等處免九分。崇信等處並鹽茶廳免八分。莊浪縣免七分。寧遠等縣免六分。通惠縣免五分。伏羌等縣免四分。平屬學租銀亦照分數蠲免。○十七年覆准。淮鳳滁等屬田地漕糧被災七分八分者准免十分之二。九分十分者准免十分之三。○十八年覆准。直屬地震。通州三河平谷本年徭賦並撥補地畝錢糧盡行蠲免。香河武清永清寶坻免十分之二。金吾等衛所照坐落州縣例分別蠲免。○又覆准。凡流抵錢糧應蠲已徵者給與紅票。次年按數抵免。

○又覆准。蠲免錢糧。州縣官侵蝕肥已者。照貪官例革職。提問督撫司道府官不行稽察者。俱革職。○十九年覆准。江南財賦繁多。舊欠追比累民。康熙十二年以前錢糧俱令蠲免。○二十年。

恩詔。康熙十七年以前民欠錢糧。該督撫查明保題豁免。○二十三年。

諭。東巡經行山東江南各州縣衛所丁銀。曲阜地丁銀。俱行蠲免。○又

恩詔。江南浙江江西湖廣省分自用兵以來。供應繁苦。

大清會典 卷三十五 三  
宜加恩恤。二十四年所運漕糧著免三分之一。自十三年起。至二十二年。拖欠漕項錢糧。著自康熙二十三年起。每年帶徵一年。以免小民一時並徵之累。○二十四年。

諭。河南。湖北。康熙二十五年錢糧。蠲免一半。其二十四年錢糧全免。直隸。江南。被災地方。二十四年下半年。二十五年上半年。錢糧。俱予豁免。○二十五年。

諭。直隸。順。永。保。河。四府。四川。貴州。兩省。康熙二十六年。地丁各項錢糧。及二十五年未完錢糧。湖南。福建。兩省。二十六年下半年。二十七年上半年。地丁各項錢

糧。及二十五年未完錢糧。盡行蠲免。○又

諭。正。順。廣。大。四府。康熙二十六年地丁各項錢糧。一體

蠲免。○又覆准。蠲免魚臺。郟城。二縣。康熙二十四年

下半年。二十五年上半年。地丁各項錢糧。○二

十六年。覆准。直隸宣化一鎮。本年額賦。盡予蠲

免。○又題准。直隸霸州。文安。保定。武清。寶坻。玉

田。豐潤。等縣。被水災地畝。錢糧。共免十分之三。

其已徵銀兩。准流抵二十七年錢糧。○又覆准。

山西沁州。被災地畝。將被災十分九分者。免本

年錢糧三分。八分七分者。免本年錢糧二分。○

又覆准。直屬寧晉縣水淹地畝。槩予豁免錢糧。俟水退可耕之日。再行勸墾。○又覆准。湖廣嘉魚等州縣。衛被災田地。照分數蠲免錢糧。○又覆准。山西沁州被雹災地畝。錢糧按分數蠲免。○又覆准。江西永豐。貴溪二縣。秋被旱災。錢糧照分數蠲免。○又

恩詔。自用兵以來。一應動用錢糧。有因原未題明。不准開銷。屢經核減。現在追取召買價值。拖欠在民。變價糧草。多給兵餉。各項及蓋造營房。修理軍器。僱募船隻。俱令賠補。歷年未清者。槩予開銷豁免。○又

恩詔。自康熙十三年以後。加增各項雜稅銀兩。該部查明。槩予豁免。○又覆准。山東博興縣被水。成災田地。錢糧照分數蠲免。○又

諭。除漕項錢糧外。江蘇。陝西省。康熙二十七年應徵地丁各項錢糧。俱著蠲免。二十六年未完錢糧。亦悉予豁免。○二十七年。

詔。免江南安。徽。府屬二十八年地丁漕糧。○又覆准。貴州鎮遠。施秉二縣被水。其沙壓田畝。將本年錢糧蠲免。○又覆准。江南丹徒縣。康熙十八年以後。坍卸入江田畝。將錢糧蠲豁。俟漲出之日。仍

報部陞科。○又覆准。湖廣武昌。黃州。安陸。三府屬崇陽等七州。縣。衛。被旱災地畝。錢糧分別分數豁免。○又覆准。江西省寧州。吉安等十二州縣。照例蠲免被災錢糧。○又

諭。康熙十七年以前。民欠漕項銀兩米麥。俱著蠲免。○二十八年。

諭。今歲畿甸亢暘情形。朕所親見。將直隸被災州。縣。衛。所。本年地丁各項錢糧。除已徵在官外。其餘未經徵收。及康熙二十九年上半年錢糧。盡行蠲免。令小民均沾實惠。如使民人仍至流散。不肖官員。朦混侵蝕。

將該撫一并嚴加議處。○又覆准。甘肅涇州秋被雹災。照例按分數蠲免錢糧。○又覆准。江南邳州。宿遷等八州。縣。衛。夏被水災。錢糧照分數蠲免。○又覆准。宿遷等州縣丁銀。亦一例蠲免。○又

諭。朕過邳州。親見彼處田地。多為水所淹沒。應納地丁。及漕項錢糧。俱行蠲免。歷年逋欠。亦盡予豁免。○又諭。朕南巡以來。軫念民依。勤求治理。頃至江南境上。所

經宿遷諸處。民生風景。較前次南巡。稍加富庶。朕念江南財賦。甲於他省。素切留心。因尚有歷年帶徵錢糧。恐為民累。出京時。曾詢戶部。知全省積欠。約有二



大清會典 卷三十一 五  
百二十餘萬。今親歷茲土。訪知民隱。無異所聞。除江南正項錢糧。已與直隸各省節次蠲免外。再將江南全省積年民欠地丁一應錢糧。屯糧蘆課。米。麥。豆。雜稅。槩予蠲除。自此民免催徵。官無叅罰。督撫務須切實奉行。俾均沾實惠。副朕愛恤民生至意。如有以完作欠。侵收肥己等弊。一經發覺。定行從重治罪。夫民爲邦本。足民卽以富國。朕平日躬行節儉。一絲一粟。未嘗輕費。所以如此簡約者。無非愛養物力。爲優恤元元之地。在民間惟正之供。軍國所需。豈得驟言蠲免。邇年國用少裕。故能頻沛恩施。總期藏富於民。使

家給人足。則禮讓益敦。庶幾漸臻雍穆之治歟。著速行諭令咸知朕意。○又

諭。雲南百姓供億王師。運送勞瘁。著將二十一年至二十七年所欠屯賦銀兩。米。麥等項。盡行蠲免。○又覆准。浙江宣平。雲和。二縣旱蝗災傷田畝。錢糧照例免徵。○又覆准。淮。揚。二府屬州縣。康熙二十六年被淹。至今並無涸出。其錢糧仍應停徵。俟涸出起徵。○又

諭。朕念小民衣食。惟田畝是賴。必年穀順成。斯生計無之。若遭罹荒歉。饘粥尚且艱難。正賦安能輸辦。今年

大清會典 卷三十五  
湖北亢旱爲災。已遣官會同該督察勘。今據將武昌等府所屬二十九州縣八衛所災傷分數。勘明具奏。朕心深用軫念。倘不急加蠲恤。恐致流移失所。武昌等四府今年錢糧。前已全蠲。其被災二十州縣四衛所。康熙二十九年上半年地丁錢糧。著與蠲免。荊州安陸二府所屬被災九州縣四衛所。本年地丁錢糧。除已徵在官外。其未經徵收。及二十九年上半年錢糧。亦盡行蠲免。該部速行該督撫。通行曉諭。務使均沾實惠。以副朕拯濟窮黎至意。如民人或致流散。不肖官役朦混侵蝕。及仍行私徵者。將該督撫一并嚴

加處分。○二十九年。覆准。山東省本年地丁錢糧。盡行蠲免。并令地方官勸諭紳衿富室。將地租酌量減徵。嗣後奉有

特旨蠲免錢糧之省。將蠲免錢糧之數。分作十分。以七分蠲免業戶。以三分蠲免佃種之民。如業戶抗不遵行。或地方官查出。或被旁人首告。將業戶從重治罪。○又覆准。江南六合縣秋災。准免民屯田地錢糧。○又覆准。浙江省餘姚。上虞。諸暨。慈谿。四縣地畝被災。錢糧照分數蠲免。○又覆准。武清等州縣被水。成災田地。錢糧照分數

大清會典 卷三十一  
蠲免。○又覆准。江南廬鳳等屬被秋災田地。錢糧照分數蠲免。○又覆准。甘肅寧州被雹災田地。錢糧按分數蠲免。○又覆准。涼州衛所被旱。錢糧照分數蠲免。○又

諭。朕撫育烝黎。勤求民瘼。務期休養。漸致阜安。閭閻間有疾苦。朕衷時切軫念。近見廣東高州。瓊州等府所屬州縣。丁地各項錢糧。歷年每致逋欠。此內係官役侵漁。及豪強頑梗抗納者。自應嚴究追取。如果因丁缺地荒。不能輸納。倘仍行徵比。照例考成。小民旣困。追呼。有司復罹叅罰。徒滋擾累。終無裨益。著該督撫

將實係戶口稀少。田畝荒蕪。一切徭賦。無從辦納州縣。歷年所欠錢糧數目。詳加察明具奏。遵

旨議定。高州府屬吳川縣。瓊州府屬臨高。澄邁二縣。自康熙十八年起。至二十八年止。未完地丁銀一十二萬八千六百兩零。米四千六百石零。實係戶口稀少。田畝荒蕪。徭賦無從辦納。照數豁免。○三十年。

諭。保定州等被災。旣經續報。且現在供辦軍需。其未完錢糧。俱著豁免。○又覆准。江南淮安府屬海州。桃源等七州縣。照例免夏災額賦。○又題請將江西

南昌等五府。自二十三年起。至二十七年止。歷年積欠。分年帶徵。奉

旨。這所欠錢糧。著免其追取。務令小民得沾實惠。○又命蠲免湖南三十一年漕糧。○又覆准。江西吉水縣二十七年以前民欠地丁銀。悉予蠲免。○又覆准。直隸永清等五十三州縣衛營城堡。本年分額賦。照夏災分數蠲免。○又覆准。河南省所屬州縣。照例免秋災額賦。○又

諭。朕孜孜圖治。軫切民依。閭閻耕穫。特勤咨訪。其有以荒歉上聞者。或蠲或賑。旋即施行。務令得所。念河南

一省。連歲秋成。未獲豐稔。非沛特恩。蠲恤。恐致生計艱難。康熙三十一年錢糧。通行蠲免。並漕糧亦著停徵。至山西陝西。被災州縣錢糧。除照分數蠲免外。其康熙三十一年春夏二季應徵錢糧。俱著緩至秋季徵收。用稱朕眷愛黎元。撫綏休養。至意。○又覆准。山西岳陽等八州縣。本年蝗災。額賦照例蠲免。○又覆准。江南興化縣。本年秋災。額賦蠲免十分之三。○又覆准。陝西乾州咸陽等州縣。本年蝗災。額賦照分數蠲免。○又覆准。江南睢寧縣。廢地畝。及缺額丁銀。自康熙三十年為始。槩予

蠲免。從前舊欠。並免追徵。○又

諭。朕撫御區宇。三十年以來。夙夜圖維。惟以愛育蒼生。俾咸臻安阜爲念。比歲各省額徵錢糧。業已次第蠲豁。其歲運漕米。向來未經議免。朕時切軫懷。所有京通各倉米穀。擗節支給。數載於茲。今觀歷年儲積之粟。恰足供用。應將起運漕糧。逐省蠲免。以紓民力。除河南省明歲漕糧。已頒諭免徵外。湖廣。江西。浙江。江蘇。安徽。山東。應輸漕米。自康熙三十一年始。以次各蠲一年。至江寧。京口。杭州。荊州。大兵駐防地方。亦應預行積貯。將康熙三十一年起運三十年漕米。各截

留十萬石。存置倉廩以備需用。○又覆准。豁免江南

通州海門鄉。坍江田地額賦銀四百九十二兩。

米。麥一百二十六石。○又覆准。蠲免直隸霸州

等二十四州縣。本年分秋災額賦。○又覆准。蠲

免雲南昆明。昆陽等十州縣。本年分水災額賦。

○又覆准。陝西西安。鳳翔。二府屬渭南。扶風等

二十一州縣。衛。并都司屬民屯。更名地畝。本年

旱災。額賦照例蠲免。○又覆准。陝西寧州。鎮原

縣。雹災。照分數蠲免。本年錢糧。○三十一年。覆

准。江南江寧府屬六合等州縣。被災五分至十

分不等。本年額賦照分數蠲免。○又覆准。淮安府屬鹽城縣。秋被災傷九分十分不等。照例蠲免本年錢糧。○又覆准。揚州府屬興化縣被災十分。蠲免本年正賦十分之三。○又覆准。江西九江府屬瑞昌縣。自洪下源頭起。至烏石止。砂石堆積。水決田地七頃九十七畝九分零。蠲免三十年分應徵錢糧。○又覆准。永寧縣起蛟水決田地。蠲免三十年分應徵錢糧。○又覆准。上饒建昌二縣。被災田地七分八分不等。應徵本年錢糧。照例蠲免。○又覆准。豁免化州。瓊山等四州縣。自十八年至二十九年。民欠。○又覆准。雲南鄧川州。水冲石壓田畝。不能開墾。應徵銀米。永行除豁。○三十二年。

諭。朕念切民生。時厯宵旰。或在宮禁之中。或經巡省之地。務以編氓疾苦。備悉諮詢。其從各省來京。陛見官員。及往來奉使人等。亦無不以該省雨澤。曾否應時。田畝有無收穫。並問閭資生情形。一一體訪。比年以來。因國家經費尚充。遂將各省地丁額賦。及舊欠錢糧。節次蠲免。卽從前未經停徵之漕糧。亦逐年免徵。總欲使海隅蒼生。培固元氣。以庶臻於家給人足之

風。今歲畿輔地方。雖禾稼未獲稔收。初意小民餬口之需。猶足資給。未必生計遂致艱難。頃者展謁

山陵。沿途察訪民隱。見今歲雨水過溢。田畝被淹沒者

甚多。穀耗不登。米價翔貴。又聞順天、河間、保定、永平、四府所屬皆然。目前米價既貴。將來春夏之際。時值益昂。小民艱粒鮮飽。此朕目所親覩。若來歲錢糧。仍然徵收。朕心實有未忍。順天、河間、保定、永平、四府康熙三十三年應徵地丁銀米。著通行蠲免。所有歷年舊欠。悉予豁除。行文該撫曉諭各屬。務令人沾實惠。以副朕子育黎元至意。○又

諭。陝西西鳳二府。連被災傷。屢經轉粟蠲租。又招集流

民。散給牛種。然後流民復還鄉井。今雖雨澤霑足。百

穀阜成。而甫脫饑寒。未饒生計。將西鳳二府被災州

縣。衛所。康熙三十三年地丁銀兩。著通予蠲免。○又

覆准。西鳳延漢并興安一州。本年課程匠價銀

兩。及牲畜地稅等銀。照地丁一體豁免。○又覆

准。山西沁州臨晉等州縣被雹災田畝。照分數

蠲免錢糧。○又覆准。蠲免江南高郵六合天長

等州縣被水地畝錢糧。○又覆准。浙江餘姚等

縣被災。錢糧照分數蠲免。○又覆准。蠲免山西

河津。滎河。二縣被水。衝瀉入河。田地錢糧。○又覆准。蒲州等處被水。照分數蠲免錢糧。○又覆准。湖廣江夏。武昌等州縣被水。照分數蠲免錢糧。○又覆准。直隸新城等三十九州縣。衛所。被災。照分數蠲免錢糧。○又

諭。朕撫馭寰宇。蚤夜孜孜。惟以實惠及民。俾登康阜。爲念。廣西。四川。貴州。雲南。四省。俱屬邊地。土壤磽瘠。民生艱苦。與腹內舟車輻輳。得以廣資生計者不同。朕時切軫懷。歷歲以來。屢施恩恤。廣西省康熙十六年。通省錢糧。十七年。十八年。民欠錢糧。貴州省二十二

年秋冬。及二十三年春夏。地丁錢糧。又貴州。四川。二省。二十五年未完。及二十六年。應徵錢糧。雲南省。二十七年以前屯地積欠錢糧。俱經次第蠲豁。茲念育民之道。無如寬賦。矧邊省地方。非再沛優恤之恩。則閭閻無由充裕。所有康熙三十三年。四省應徵地丁銀米。著通行蠲免。仍行文該督撫。徧加曉諭。令人沾實澤。以稱朕加惠遠省民生至意。如有不肖有司。借端朦混。私自徵收者。該督撫指名奏劾。從重治罪。○三十三年。

諭。山西平陽府。澤州。沁州。所屬地方。前因旱蝗災傷。民



大清會典 卷三十五  
生困苦。已經蠲免額賦。並加賑濟。而被災失業之衆。猶未盡覩盈寧。其康熙三十年。三十一年。未完地丁銀糧。及借賑銀米。若仍令帶徵。剋期完納。誠恐閭閻力絀。益致艱難。著將所逋欠錢糧。五十八萬一千六百餘兩。米。豆。二萬八千五百八十餘石。通行蠲豁。用紓民力。戶部行文該撫。嚴飭該府州縣官。悉心奉行。務俾人沾實惠。倘有已完在官。捏稱民欠。及已奉蠲免。仍復重徵。官吏作奸。侵漁中飽。一有發覺。定以軍法從事。遇赦不宥。○又

諭。密雲縣應徵豆二千石。著免追徵。○又

諭。鹽城等五州縣存水田畝。地丁錢糧漕米。俱照該督撫所題蠲免。仍俟水涸開墾。再行起徵。○又覆准。山東邱縣地畝。被漳河水淹。所徵銀米。照數蠲免。俟涸出再行陞科。○又

諭。河南百姓。連年爲陝西運送米石。甚爲勞苦。今陝西田禾大獲。應補運折耗米石。著通行豁免。如已經起運。則仍解交該撫。○又覆准。江南山陽等縣被水淹地。錢糧照分數蠲免。○又

諭。邳州二十四年。至二十七年。積欠租銀。俱著蠲免。○

又

諭。安州等十一州縣賑濟貧民。著一半給與米穀。一半照時價給銀兩。所餘米穀。著視時價稍減。發糶於民。密雲等迤北州縣。交與守道。文安等迤南州縣。交與巡撫。親行散賑發糶。仍差戶部賢能司官各一員。公同料理。俾小民得沾實惠。其十一州縣。康熙三十四年地丁錢糧。俱著蠲免。○三十四年。

諭。直隸順天。保定。河間。永平。四府所屬地方。水潦傷稼。將康熙三十五年地丁銀米。全予蠲免。其霸州。雄縣。香河。寶坻。四處。皆有水道可轉輸。每處著發米一萬石。各差司官一員。賫往。照時價減值發糶。以資民食。

○又

諭。奉天等處。今年田畝薄收。本年錢糧。通著蠲免。○又諭。宣化府屬地土瘠薄。秋禾被災。今年錢糧。除已完納外。未完者。俱免徵。其康熙三十五年錢糧。仍照順天等四府通行蠲免。○又

恩詔。凡應追賠贓私。察果家產盡絕。力不能完者。准予豁免。○又

恩詔。山西。陝西。江南。浙江。江西。湖廣。廣東。福建。等省。康熙三十三年以前歷年積欠。及帶徵未完銀米。俱著豁免。○又

詔免河南三十二三四等年民欠。○又覆准。照例蠲免

江南高郵等州縣被災田地錢糧。○又覆准。河

津滎河二縣冲瀉入河地畝錢糧。仍行蠲免。俟

涸出再行陞科。○又覆准。廣東南韶等府屬被

災銀米照分數豁免。○又覆准。江西新淦等三

縣被災。錢糧照例蠲免。○又

諭。香河寶坻二縣宛平等處。田地被災者多。今年錢糧

除已經完納外。未完者。俱著蠲免。○又

諭。梁城所。薊州。豐潤縣。高陽縣。玉田縣。東安縣。田地被災者多。今年錢糧。除已經完納外。未完者。俱著蠲免。

○又覆准。直隸固安。涿縣。照香河等縣蠲免。○

三十五年。

○又覆准。直隸固安。涿縣。照香河等縣蠲免。○

三十五年。

諭。漕項歷年積欠。及帶徵未完銀米。著豁免。○又

諭。宣化府比年以來。大兵供億。殊勞民力。著將三十六

年地丁銀米。全予豁免。○又覆准。江南上元等縣被

水田畝。照例蠲免錢糧。速行賑濟。○又覆准。沐

陽等縣河灘租地被淹。錢糧按分數蠲免。○又

覆准。香河寶坻等處地畝被水。錢糧照數蠲免。

○又

諭。比年以來。軍前需用馬匹。在大同府屬牧養者甚多。

措辦草料等項。雖俱支用正項錢糧。而供億浩繁。殊勞民力。康熙三十六年大同府屬州縣衛所。應徵地丁銀米。著全予豁免。○又覆准陝西地方。大兵往來。供應勞苦。其三十六年全省地丁併草折銀兩。悉予蠲免。○又

諭免浙江台州衛所未完。三十二年存留銀。○又

諭准揚徐泗等處。去歲水勢驟發。被災小民困苦萬狀。朕心深為憫惻。三十五年一應錢糧。俱盡行蠲免。其三十四年未完錢糧。於三十七年帶徵。○三十六年。諭霸州十七州縣衛。被災地畝。錢糧俱著全免。○又

諭鹽城等六州縣被淹田畝。錢糧盡行蠲免。○又覆准

江南淮揚府屬田畝被水。蠲免本年地丁銀兩。

○又

諭海州等十八州縣。三衛被九分十分重災田畝。本年應徵地丁銀米。及此項田畝所有漕糧漕項。俱著通行蠲免。○又覆准沛縣泗州等州縣衛。被災田畝。錢糧照分數蠲免。○又

諭比年出師討寇。總為中外生民。永圖休息。故不憚軍興征繕之煩。遠歷邊塞。其一切飛芻輓粟。皆動支正供額賦。不使累及閭閻。獨是大兵牧養馬匹。及三次

大清會典 卷三十五  
師行出入。皆經山西地方。緣邊各州縣衛所。固屬勉力急公。其餘諸郡。雖非師旅所經。亦有協辦轉輸。行賚居送之事。又該省歲屢不登。穀價翔貴。民間生計甚屬艱難。朕乘輿頻臨。目所親覩。軫念殷切。未嘗一日釋懷。昨歲曾有諭旨。俟噶爾丹殄滅之後。誕布德音。渙敷麻澤。今寇氛盡滌。邊境輯寧。是宜格外加恩。用綏黎庶。康熙三十七年山西通省地丁銀米。著一槩蠲免。該部行文該撫。令徧飭各所屬。實心奉行。家喻戶曉。俾深山窮谷。均沾朝廷德惠。倘或借端徵派。澤不下究。事覺定行從重治罪。○又覆准江西宜春

等縣被旱。錢糧照分數蠲免。○又

諭。山陽高郵被淹。蕩租銀兩。俱著全免。○又

諭。朕惟治安天下。惟期民生得所。而欲民生之得所。必以敷恩寬賦爲要。朕爲一切事務。稍有動用民力之處。卽厯懷殷切。刻不能忘。比年以來。因厄魯特噶爾丹狂逞逆命。遣發大兵。分道進剿。軍興供億。不得已而煩民力。甘肅所屬各州縣衛所。榆林等處。沿邊各州縣衛所。適當師行要道。其喂養軍前需用馬匹。並大兵往來經過。各項措辦。雖俱支給正項錢糧。而供應繁多。閭閻勞苦。朕心深用軫念。著將康熙三十六

年甘肅巡撫所屬州縣衛所陝西巡撫所屬榆林等沿邊州縣衛所地丁銀米盡行蠲免行文各該撫徧加曉諭務俾小民均沾實惠稱朕體恤黎元至意甘肅所屬銀米既經全免需用錢糧著於鄰近省分作速撥給○三十七年覆准直屬遵化州秋旱被災七分田畝蠲免本年應輸錢糧十分之二○又覆准薊州豐潤縣地畝被災六分照例蠲免十分之一○又覆准淮揚二府并徐州海山等州縣衛被災將三十五六兩年地丁錢糧全予蠲免○又

論

泗州被災地方錢糧著照蠲免海州錢糧例盡行蠲免○又覆准鹽高等六州三十六年被淹田地應徵地丁亦照山海等州縣被災蠲免之例全蠲○又覆准江南壽泗等州縣衛本年被水照分數蠲免錢糧○又題准鹽城縣三十七年錢糧照被災分數蠲免○又覆准照例蠲免天長縣被水災田錢糧○又覆准高郵等州縣原報夏災今又被災十分除夏災案內蠲免外將應徵起存錢糧照例按分數蠲免○又覆准蘇松等府州屬康熙十八年起至二十六年止民欠正雜

錢糧。盡行蠲免。○又覆准。浙江程安。德武。四縣被災。將地丁錢糧。照數豁免。○又

諭。直隸宣化府屬三十六年地丁銀米。既予蠲免。其通州等州縣。受補宣屬地畝之民。同受災傷。錢糧一例蠲免。○又

諭。淮安揚州鳳陽等處。比來水患頻仍。浸漫隄岸。田多淹沒。耕獲無從。百姓艱於粒食。經朕屢賑屢蠲。被災地方。賴以安堵。但久歉之餘。恐致資生匱乏。朕厯憫殷切。未嘗稍釋於懷。前此雖頻敷庥澤。至再至三。用裨羣黎生計。猶恐開春東作。農事艱難。若不大沛恩

施。安能使小民各得其所。著將海州。山陽。安東。鹽城。高郵。泰州。江都。興化。寶應。壽州。泗州。亳州。鳳陽。臨淮。懷遠。五河。虹縣。崇城。盱眙。靈璧。等州縣。并被災各衛所。康熙三十八年一切地丁銀米等項。及漕糧。盡行蠲免。務使民間均沾實惠。以副朕體恤元元。生息愛養至意。

大清會典卷之三十五

大清會典卷之三十六

戶部

蠲恤二

豁免下

康熙三十八年。

聖祖仁皇帝南巡。駐蹕浙江。特沛

恩綸。將三十四。五。六。年。奏銷未完民欠地丁錢糧。米。麥。

豆。雜稅。一槩免徵。○又

諭。東南為財賦重地。朕時切軫念。茲以巡省。並閱河工。

見淮南北地方。疊遭水患。屢蠲屢賑。仍命截留漕糧。

減價平糶。但賦役浩繁。民生拮据。歷年逋負。積算日



增。合江蘇。安徽。所屬舊欠帶徵錢糧。計及百萬。念小民方供新稅。復急舊逋。物力維艱。勢難兼辦。今除康熙三十三年恩詔內。已經赦免外。其三十四。五。六。等年。奏銷未完民欠地丁錢糧。米。麥。豆。雜稅。著戶部行文該督撫察明。俱着免徵。飭有司務悉心奉行。如已徵在官。詭稱民欠。希圖侵蝕肥己者。一經發覺。定從重治罪。○又

諭。朕因淮揚地方。數被水患。躬臨巡省。目擊田廬淹沒之苦。深加軫恤。既截留漕糧以濟民生。仍蠲除積欠以紓民力。其昨歲淮揚兩屬被災錢糧。曾經該督撫

具題。部議照例減免三分。今念百姓餬口維艱。安能辦賦。應破常格。用沛特恩。淮安府屬之海州。山陽。安東。鹽城。揚州府屬之高郵。泰州。江都。興化。寶應。九州縣。並淮安。大河。二衛。康熙三十七年未完地丁。漕項。等銀一十九萬有奇。米。麥一十萬石有奇。着全予蠲免。戶部行文該督撫。卽飭各州縣張示曉諭。務體朕憫惻災黎之至懷。俾窮鄉僻壤。均沾實惠。○又覆准。陝西漢中等屬州縣去秋被災。照例蠲免。○又覆准。江南淮。揚。徐等屬州縣。衛。被淹田地。錢糧。照例蠲免。○又覆准。浙江龍游縣被水。照例蠲

免其沙壓田地及蘭谿縣水衝田地俱按分數蠲免○又覆准蠲免江南沛縣沐陽等縣被災河灘地畝錢糧○又

諭朕巡幸江南遍察地方疾苦深知民間生計艱難故將通省積欠錢糧盡行蠲免所過州縣有被災者俱經賑濟務俾得所茲聞鳳陽府屬去歲潦災甚重是用破格加恩以示優恤康熙三十七年該府屬壽州泗州盱眙靈璧十一州縣並泗州一衛未完地丁漕糧等項著一槩免徵戶部行文該督撫卽飭該地方有司張示曉諭令窮鄉僻壤咸悉朝廷曲軫災黎之

至意○又

諭朕巡省民生風俗南至於江浙茲已返蹕行經山東沿途見父老諮詢農事幸今歲雨暘時若二麥繼登小民可以無憂粒食但前年被災泰安等二十七州縣生計尚未豐盈宜更加恩休養所有康熙三十六年未完地丁銀米俱着免徵其三十七年應徵錢糧原因災傷令三十八年完納今念一歲之內並輸兩歲之租恐物力艱難未能兼辦著分作三年帶徵以示寬恤戶部移文該督撫轉飭有司明白張示務使窮鄉僻壤均沾實惠以無負朝廷曲軫民依至意倘

大清會典 卷三十六  
有不肖官吏私徵侵蝕。致上澤不下究者。察出定治重罪。○又薊州未完康熙三十。三十一。三十二等年退地租銀。奉

旨。薊州所欠地租銀兩。俱着免追。○又題准直隸通州等六縣。額設紅剝船共六百隻。剝運南漕。計船一隻。給地十頃。免其正賦。嗣後剝船地畝。凡遇災傷蠲免之年。俱照民地一例蠲免。剝運之項。照依淺夫三食撥給。○又覆准浙江鄞縣等三縣被災。其地丁錢糧。照分數蠲免。并委官賑濟。○又

諭朕思小民生計。惟農畝是賴。必年穀收成。斯衣食無缺。淮揚所屬海州等州縣。衛連年河流漫漫。田廬編氓艱於粒食。朕志深切軫念。已將康熙三十八年錢糧俱行蠲免。今春南巡。目覩民間疾苦。恐致失所。復將康熙三十七年未完錢糧。盡予豁除。諭令所司將沿河堤岸。堅固修築。乃修防未竣。夏秋又致冲決。田廬盡沒水中。特命該撫往駐被災地方。動支積貯米穀。並將漕糧截留。親行賑給。今念清河口河流未通。民田仍遭淹沒。耕獲無從。百姓饘粥。尚且艱難。來年租賦。安能輸辦。着將被災海州。山陽。安東。鹽城。大河

衛高郵泰州江都興化寶應等州縣衛康熙三十九年地丁銀米等項及漕糧漕項銀兩盡行蠲免戶部速行該督撫通行曉諭務使均沾實惠以副朕拯恤災黎至意○又覆准淮揚三十場竈戶康熙三十七年應徵鹽課盡予蠲免○又覆准湖廣華容安陽二縣夏被水災將錢糧按分數蠲免兼令委員動倉穀賑濟○又覆准直隸霸州玉田等州縣被災照分數蠲免錢糧○又覆准浙江鄞縣地方潮水衝田地一千七十餘畝錢糧俱准豁免○又覆准蠲免湖廣沔陽州及沔陽衛

被災田地錢糧○又

諭湖廣康熙三十九年全省地丁銀俱行蠲免○又覆准山西平定等十一州縣年歲歉收蠲免歷年民欠○又覆准福建臺灣府屬三縣康熙三十七年七月颶風大作被災田園應徵之粟照例豁免○三十九年覆准順天等府屬被水蠲免地丁銀兩○又江南蘇松等屬康熙三十四五六年等年帶徵漕項銀米新舊不能兼輸奉

旨漕項積欠銀兩着分年帶徵其積欠米麥俱着豁免

○又覆准陝西南鄭等縣被災錢糧照例蠲免

大清會典 卷三十一  
○又覆准。照例蠲免邳州。桃源等州縣今年秋災錢糧。○又覆准。高郵州湖蕩草灘地畝被災。錢糧照例蠲免。○又覆准。直隸文安等縣被災。錢糧照例蠲免。○又覆准。浙江鄞縣十一都三畝近海田地。舊有塘閘禦湖蓄水。自順治十七年衝沒。迄今未建。田地被水淹沒。每年應徵銀兩。永予豁免。○又覆准。金華府屬五縣被旱。照例蠲免。○又覆准。浙江江山縣被旱。錢糧照數蠲免。○又覆准。蠲免直隸保定。河間二縣本年分水災額賦有差。○四十年。

諭。江蘇康熙四十一年地丁漕糧。盡行蠲免。○又題准。免直隸廣平府被水田租。俟涸出再行起科。○又

諭。甘肅巡撫所屬地方。康熙四十一年地丁錢糧。盡行蠲免。○又

諭。霸州。文安。大城。三州縣。地居窪下。被水最甚。雖遇豐年。民猶艱食。其三州縣節年積逋。及本年應徵地丁正項。戶部即將應蠲錢糧。備細查明豁免。○又覆准。廣東廣肇等府屬被災。錢糧照分數豁免。○四十年。

大清會典 卷三十六  
諭。安徽康熙四十二年地丁銀兩。盡行蠲免。○又覆准。山東新泰等六州縣被水。康熙四十二年錢糧。盡行蠲免。○又覆准。山東萊蕪等州縣被水。錢糧按分數蠲免。○又覆准。河南永城等縣被水。錢糧照分數蠲免。○又覆准。沔陽州及沔陽衛被水。錢糧按分數蠲免。○又

諭。朕撫御寰區四十餘年。無一刻不以民生爲念。天下至大。兆民至衆。惟恐窮鄉僻壤。百姓疾苦。不能上達。孜孜勤求。未嘗少懈。從來水旱自古有之。備荒之法。全賴督撫得人。倘以諱災爲事。任意虧空。一有歉薄。

莫知所措。視民命如草芥。何以爲民父母。况秦省不通水運。若不謹於蓋藏。儉歲難於賑恤。河西一帶地方。素稱貧瘠。雖免四十一年錢糧。民生未裕。再將四十二年地丁錢糧。通行蠲免。該督撫徧示所屬地方。務使閭閻均沾實惠。以副朕惠愛元元之至意。○四十二年。覆准。浙江西安等八縣。衢嚴二所旱災。錢糧照例蠲免。○又

諭。泰安。郟城等七州縣。四十一年未完錢糧。俱着蠲免。四十二年地丁錢糧。着分三年帶徵。○又

諭。東省康熙四十三年地丁銀米。著通行蠲免。有積年

錢糧拖欠在民者。亦著察明免徵。○又

諭。徐州。睢寧縣。康熙三十七。三十八。三十九。三年未完地丁錢糧。俱著免徵。邳州四十年未完錢糧。亦著免徵。○又覆准。山東魚臺等州縣。衛被災。錢糧照分數蠲免。○又覆准。邳。沛。二州縣。湖灘租地被災。錢糧按分數蠲免。○又覆准。河南開。歸。等府屬州縣被災。錢糧照分數蠲免。○又覆准。直隸南皮等縣。及天津衛被災。錢糧照分數蠲免。○又覆准。薊州。豐潤。等州縣被災。錢糧按分數蠲免。○

是年。

聖祖仁皇帝駕幸山西。

諭免康熙四十一年民欠銀米。○又

諭。河南民欠。著蠲免。○又

諭。免河南全省康熙四十三年地丁漕糧。○又

諭。免雲南。貴州。廣西。四川。四省康熙四十三年應徵地

丁各項錢糧。○四十二年。

諭。山東全省康熙四十四年地丁銀。著蠲免。○又覆准。

直隸南樂縣上年秋被水災。照分數蠲免錢糧。

○又覆准。江西省清江等六縣。夏被水災。照分

數蠲免錢糧。○又覆准廣東廣韶等府屬被災。錢糧照分數蠲免。○又覆准湖廣常德府屬之武陵桃源二縣秋被旱災照分數蠲免錢糧。○又覆准湖南道州被災錢糧按分數蠲免。○又十四年覆准湖廣江夏等州縣衛被水災照分數蠲免錢糧。○又覆准江寧蕭縣地方被災照分數蠲免錢糧。○又

諭朕宵旰勤民。厘思愛養。惟務簡徵寬賦。以期實惠黎元。間有州縣水旱不登。卽詔所司。亟議蠲賑。其直隸

各省每歲應輸額賦。有以次遞蠲者。有頻蠲數年者。有將帶徵積欠暫令停徵者。凡以蠲除額賦。專為小民樂業遂生。一歲以內。足不踐長吏之庭。耳不聞追呼之擾。庶幾休養日久。馴致家給戶足。而民咸得所也。曩年楚省錢糧。雖屢行豁免。今已歷數載。未經特蠲。應將該省額賦全免一年。以示朕加恩優渥之至意。湖北湖南康熙四十五年除漕糧漕項外。其餘地丁銀米。一槩免徵。舊欠未完者。並停輸納。該部移文該督撫。令各飭屬員。張示徧諭。窮鄉僻壤。咸使周知。

○又



諭。嗣後蠲免新年錢糧時。若令將歷年未完錢糧蠲免。則一并蠲免。若止令將新年錢糧蠲免。並無將舊欠錢糧一并蠲免之旨。則蠲免新糧之年。停其徵收。次年仍照常徵輸。○四十五年。

諭。朕宵旰圖維。勤求民隱。每欲敷蠲貸之恩。以爲閭閻留有餘之力。直隸山東地方。康熙四十二年。偶遇災沴。因特免山東四十三。四。兩年額賦。並四十一年以前積欠錢糧。直隸。則順天。河間。兩府四十四年額賦。亦俱豁免。今雖屢年收穫。民氣漸舒。而所有宿逋。尚應輸納。朕念黎元方有起色。辦賦猶艱。一時新舊並

徵。勢難兼應。宜更加寬恤。以弘休養。直隸。自康熙四十一年。至四十三年。各府屬未完民欠銀八萬二千七百兩有奇。糧五千九百石有奇。山東省。自康熙四十二年。各府屬未完民欠銀一百六十九萬一千七百兩有奇。糧五千九百石有奇。或見在徵取。或分年帶徵。俱着通行蠲免。俾小民實除逋負之累。倘應徵舊欠。有見完納在官者。卽准抵本年正賦。諭旨到日。各該撫速行所屬有司。徧示曉諭。有不肖官吏。朦混徵收。不與開除明白者。該撫卽時叅劾。嚴加治罪。○

又

諭。朕子育黎元。日求所以休養利濟之道。念惟賜租減賦。實有裨益於民生。直隸各省錢糧。次第全蠲一年者。業經數舉。獨是歷歲逋負。積累加增。舊稅新徵。勢難兼辦。縱使少寬民力。分年帶輸。而督令續完。仍多拮据。朕睠懷及此。深切軫恤。是用蠲逋已責。大沛恩膏。俾閭閻獲免追呼。官吏亦不罹叅罰。直隸山東積欠錢糧。今年俱已蠲免。其山西陝西甘肅江蘇安徽浙江江西湖北湖南福建廣東各省。自康熙四十三年以前未完地丁銀二百一十二萬二千七百兩有奇。糧十萬五千七百石有奇。着按數通行蠲免。或舊

欠已完在官。而見年錢糧未完足者。亦准扣抵。諭旨到日。各該撫立行所屬。張示徧諭。有不肖有司以完作欠。朦混銷算。及開除不清者。該督撫卽行題叅。嚴加治罪。○又題准湖南華容縣安鄉縣被災。照例准其蠲免錢糧。○又覆准徐淮二屬及大河等衛被災。本年錢糧盡予蠲免。○又覆准桃源洪澤湖旁淹沒田地。准其蠲免錢糧。○又覆准湖北漢川等州縣被災。錢糧按分數蠲免。○又覆准直隸武清等州縣。本年秋災。按分數蠲免錢糧。○又覆准江西新建等縣被災。照分數蠲免本

大清會典 卷三十六  
年錢糧。○又

諭。今歲漢江水大。南鄭等縣城垣田舍。被水衝沒。且米價騰貴。小民艱食。所有本年應徵錢糧。著豁免。明年以後地丁錢糧。亦著暫行停徵。俟應徵收之年。著該督撫察明具奏起科。見在被災之人。該督撫速行賑濟。○四十六年。覆准。直隸東安等州縣被災。錢糧照

分數蠲免。○又

諭。江浙地方賦役殷繁。倍於他省。朕屢經巡歷。時時切厘軫懷。比年以來。業已節次敷恩。頻行蠲貸。頃因兩省偶被旱災。隨命按數減徵。豁免漕欠。並分截本年

漕糧。令該督撫親往散賑。猶念民間素鮮儲蓄。生計不充。非更加格外滋培。則荒歉之餘。未能卽臻康阜。茲特再施膏澤。用弘休養。康熙四十七年。江南浙江。通省人丁。共徵銀六十九萬七千七百餘兩。著悉與蠲免。其本年被災安徽巡撫屬七州縣。三衛。江寧巡撫屬二十五州縣。三衛。應徵地畝銀一百九十七萬五千二百餘兩。糧三十九萬二千餘石。浙江二十州縣。一所。應徵地畝銀九十六萬一千五百餘兩。糧九萬六千餘石。四十七年。亦俱著免徵。所有舊欠帶徵銀米。亦暫停追取。俟開徵時。一并輸納。務使小民一

歲之內。絕跡公庭。安處隴畝。俾得優游作息。經理農桑。庶幾閭閻氣象。可以日加豐豫。諭旨到日。該督撫體朕孜孜惠愛黎元至意。各飭有司實心奉行。仍張示通曉。令咸知悉。倘所蠲不實。致有侵冒。察出定治重罪。○又

諭。從來漕米關係倉儲。最為重要。每歲剋期輸輓。槩不停徵。卽蠲除節年額賦。亦不及漕項。朕前以國家經費尚充。曾有酌免漕糧之事。係出特恩。去年頒發諭旨。已將江南省民欠地丁銀米。自康熙四十三年以前。通行蠲豁。而漕項所欠。尚在徵收。今念江南地方

見被旱災。除新徵糧米。另有諭旨酌量截留散賑外。其四十三年以前。江寧巡撫所屬各府州縣未完民欠漕項銀六十八萬七千兩有奇。米麥三十一萬一千八百石有奇。着該撫一一察明。悉予全免。用紓閭閻之餘力。俾辦額運之正供。事切利民。蠲逾常格。戶部移文該撫。令張示徧諭。務使均沾實澤。以稱朕深軫民依之意。○又覆准。江西清江等縣被災。錢糧照分數蠲免。○又覆准。山東章邱等七州縣被災。錢糧照分數蠲免。○四十七年。

諭。江南四十八年地丁銀兩。著蠲免。○又覆准。免潛山

等州縣被災額賦。○又覆准浙江仁和等七縣被災。錢糧照分數蠲免。○又覆准臨海二縣被風雨傷禾。錢糧照分數蠲免。○又覆准福建臺灣鳳山諸羅三縣。秋被旱災。按分數蠲免輸粟。○又覆准湖廣湖北所屬被災。錢糧照分數蠲免。○又覆准山東鄒平等二十九縣。德州等四衛被災。錢糧照分數蠲免。○四十八年。覆准直隸霸州等處被災。照分數蠲免錢糧。○又

諭。今歲入夏以後。朕因南方二麥不登。北地亦被微潦。宵旰軫慮。甚切焦勞。繼而畿輔稔收。三吳秋熟。兼以

四方奏報。咸獲有年。朕心始為稍慰。夫水旱災傷。事所時有。而小民皆如赤子。一以疾苦見告。卽不忍恣置於懷。今念江南淮安府。徐州揚州府三屬地。旱積水。被災獨重。秋禾未播。種者甚多。雖本年錢糧業經全免。又曾遣官分賑。而失業之民。宜加格外之恩。以弘愛養。康熙四十九年。淮揚徐三屬邳州等十九州縣。三衛額徵地丁銀五十九萬三千八百兩有奇。着通行蠲免。又河南省歸德府屬商邱等六縣。山東省兗州府屬濟寧等四州縣。或被夏災。或被秋災。雖已各依分數。例免額賦。並宜更施膏澤。用厚民生。四十

九年商邱等縣應徵地丁銀二十萬二千四百兩有奇。濟寧等州縣應徵地丁銀一十四萬六千六百兩有奇。俱着通行蠲免。州縣有舊欠未完錢糧亦著停徵一年。諭旨到日各該督撫嚴飭有司體朕殷殷軫恤災氓至意張示徧諭悉心奉行務俾窮鄉僻壤均沾實惠如有不肖官吏借端私徵者卽行察叅。○又覆准江南省亳州所屬被災蠲免更名田地銀。○又覆准山東省金鄉濟南章邱等州縣被災。○又覆准河南永城等縣被災。○又覆准錢糧按分數蠲免。○四十九年。

諭朕恭膺

天眷祇承

列祖鴻庥統御萬方子育兆庶厯懷至治宵旰靡寧幸際海宇同風邊隅向化遐邇中外帖然衽席之安是皆仰荷

天

地

祖

宗福佑之所致也方朕八齡踐祚之初

太皇太后問朕何欲朕對臣無他欲惟願天下治安生

大清會典 卷三十一 六  
民樂業。共享太平之福而已。迄今五十年矣。惓惓此  
心。未嘗一日少釋。每思民爲邦本。勤恤爲先。政在養  
民。蠲租爲急。數十年以來。除水旱災傷。例應豁免外。  
其直省錢糧。次第通蠲一年者。屢經舉行。更有一年  
蠲及數省。一省連蠲數年者。前後蠲除之數。據戶部  
奏報。通共會計。已逾萬萬。朕一無所顧惜。百姓足。君  
孰與不足。朝廷恩澤。不施及於百姓。將安施乎。朕每  
歲供御所需。槩從儉約。各項奏銷浮冒。亦漸次清釐。  
外無師旅饑餽之煩。內無工役興作之費。因以歷年  
節省之儲蓄。爲頻歲渙解之恩膏。朕之蠲免。屢行。而

無國計不足之慮。亦恃此經畫之有素也。比來省方  
時邁。已歷七省。南北人民風俗。及日用生計。靡不周  
知。而民所以未盡殷阜者。良由承平旣久。戶口日繁。  
地不加增。產不加益。食用不給。理有必然。朕洞燭此  
隱。時深軫念。爰不靳敷仁。用甦民力。明年爲康熙五  
十年。思再沛大恩。以及吾民。原欲將天下錢糧。一槩  
蠲免。因衆大臣集議。恐各處兵餉撥解之際。兵民驛  
遞。益致煩苦。細加籌畫。悉以奏聞。故自明年始。於三  
年以內。通免一周。俾遠近均沾德澤。直隸。奉天。浙江。  
福建。廣東。廣西。四川。雲南。貴州。各巡撫。及府尹。所屬

除漕項錢糧外。五十年應徵地畝銀。共七百二十二萬六千一百兩有奇。應徵人丁銀。共一百一十五萬一千兩有奇。俱著察明全免。并歷年舊欠共一百一十八萬五千四百兩有奇。亦俱著免徵。其五十一年。五十二年。應蠲省分。至期候旨行。民間舊欠。既經豁免。嗣後每年額徵錢糧。務如數全完。倘完不及額。或別有虧空。託稱民欠。則負國甚矣。卽責令督撫以下官員償補。仍從重治罪。夫地方大吏。以及監司守令。皆與民誼均休戚者也。誠克體朕孜孜保赤之懷。實心愛養。力杜侵牟。則閭閻咸得衣食滋殖。無有

失所。而爲官吏者。亦身名俱泰。豈非昇平樂利之盛事歟。戶部移文各督撫。諭旨到日。卽刊刻頒布窮簷。令咸知悉。○又覆准。直隸霸州等州縣。秋被水災。照分數蠲免錢糧。○又覆准。安徽舒城縣。秋被水災。照分數蠲免錢糧。○又

諭。免江南淮揚徐三屬淮泰徐三衛地丁銀。○又覆准。免江南荒銀。○又

諭。免山東金鄉等縣地丁銀。○又

諭。漕糧例不蠲免。念浙省被災之後。民力艱難。其緩徵漕米。著免徵收。○五十年。覆准。江南六安等州縣。及



廬鳳二衛被災。錢糧盡行蠲免。○又題請江蘇所屬府州縣無著銀兩。將俸工等項捐助補還。奉

旨。此無著錢糧俱係南巡時地方官公用。伊等不敢聲明。但前任官那用虧空之項。著落後任官員賠補。必致科派擾害百姓。此等之處。朕所甚悉。心殊不忍。此無著錢糧十萬八千有奇銀兩。免其賠補。以示朕軫念官民至意。○又

諭。蠲免湖廣省康熙五十一年地丁銀。康熙四十八。九。兩年民欠銀。○又覆准。蠲免奉天錦縣等處地丁銀。

其奉德等七處康熙五十年應徵米豆亦一體蠲免。○又

諭。臺灣府屬康熙五十年應徵穀石。已經徵完在官。雖蠲免。與小民無益。其應徵五十一年穀石。著行蠲免。○五十一年。覆准直隸井陘等縣被災。錢糧照分數豁免。○又覆准浙江彙報風雨災傷。蠲免安吉等三州縣錢糧。○又

諭。朕宵旰孜孜。勤求民瘼。永惟惠下實政。無如除賦蠲租。除每歲直省報聞。偶有水旱災傷。照輕重分數。蠲免正供。仍加賑恤外。將天下地丁錢糧。自康熙五十

年爲始。三年之內。全免一週。使率土黎庶。普被恩膏。除將直隸。奉天。浙江。福建。廣東。廣西。四川。雲南。貴州。及山西。河南。陝西。甘肅。湖南。湖北。各直省。康熙五十年。五十一年。地丁錢糧。一槩蠲免。歷年舊欠錢糧。一并免徵外。所有江寧。安徽。山東。江西。各撫屬。除漕項外。康熙五十二年。應徵地畝銀。共八百八十二萬九千六百四十四兩有奇。人丁銀。共一百三萬五千三百二十五兩有奇。俱著察明全免。其歷年舊欠銀。二百四十八萬三千八百二十八兩有奇。著一并免徵。計三年之內。總免過天下地畝。人丁。新徵舊欠。共銀

三千二百六萬四千六百九十七兩有奇。各該督撫務須實心奉行。體朕軫念民生至意。○又覆准。江南

淮安等府屬州縣。夏被水災。照分數蠲免錢糧。

○又

諭。潼關衛。大同府。所屬康熙五十一年應徵米豆草束。旣已徵完。今雖蠲免。亦無益於小民。明年應徵米豆草束。著蠲免。○又覆准。山東魚臺等四州縣被災。錢

糧照例蠲免。○又

諭。免陝西西安等屬地丁。并歷年民欠銀。○五十二年。恩詔。天下地丁錢糧。旣沛恩澤。於三年內。悉予豁免。其

自京城及各省房地租稅。多係貧民賃僦官地。棲身營業。宜并蠲免。以覃恩惠。著察明京城內并各省每年地租額數。於康熙五十三年豁免一年。其歷年逋欠若干。一并察明。免其追補。○又覆准。免江蘇等屬荒銀。○又覆准。浙江海寧等縣并台州衛旱災。錢糧照分數蠲免。○又覆准。偏沅臨湘縣衝壞田畝。豁免應徵銀米。○又覆准。福建侯官縣并福防廳水衝民屯田地。銀米准其全蠲。○又

諭。山西。河南。地銀兩著蠲免。○又

諭。陝西。西安府等屬錢糧著蠲免。○又

文政三

